

Թիւնն Եէնիչերեաց և խազաղելոյ զքաղաքն , մնաց յերուսաղէմ զօրօք իւրովք ըստ հրամանի Կուսակալին և 'ի սաղ-րելոյ Յունաց . եւ զինի աւուրց ինչ սկսաւ հակառակիլ ընդ Հայս և այս՝ 'ի գրգմանէ Յունաց . արգել զերկաթի կոչնակն Ս . Յակորայ , և հրամայէր մխիթարիլ միայն փայտեայ կոչնակաւ . խափանեաց զպատարագելն Հայոց 'ի վերայ գերեզմանի Ս . Աստուածածնի , զոր կատարէին 'ի չորեքշաբթի , 'ի կիրակէի եւ յաւուրս տօնախմբութեան Ս . Կուսին . այլ միայն երկիցս 'ի չարաթու պատարագել ասէր , և այն 'ի վերայ արտաքին խորանին : Թէպէտեւ Հայք առաքեցին զմանս հորցանել ցՅոյնս զպատճառն , այլ նոքա արարին պատասխանի թէ 'ի Կոստանդինուպօլիս այնպէս կարգադրեալ են . և առաջին հրովարտակին , զոր մատուցին Հայք , ոչ կամեցան լսել դատաւորք , եւ այս եղև յետ գալստեան հրովարտակին Յունաց , զոր ընթերցաւ Խոճաքեանն ըստ կամաց իւրոց եւ դարձոյց առ նոսա :

Արժան համարիմ աստանօր յառաջ բերել զանպատեհ գործս Խոճաքեանին , զոր սկսաւ յանդգնարար գործել յերուսաղէմ . բանցի 'ի քննութեան պահու տաճարին Ս . Յարութեան դնացեալ էր անդ և Աւետիս Թարգմանն Հայոց , յանկարծ յարձակեալ 'ի վերայ նորա և սկսաւ նախատել զազն ողջոյն եւ հարկանել զնա բռնցի . միթէ ա՞զգ ինչ իցեն Հայք՝ զի նախարարք Տէրութեանն վարեցին 'ի Դրանէ զմեծամեծս նոցա , և զիս Տէրութիւնն ուտիկան և դատաւոր կարգեաց 'ի վերայ երից ազգաց : Մեծամեծք այլազգեաց նախատէին զյանդգնութիւնս նորին եւ սաստէին իսկ լուել : Թարգմանն զամօթի հարեալ առաջի բազմութեանն , և չկարացեալ ասել ինչ՝ դարձաւ 'ի վանքն , և առաքեաց անդ զերկրորդ իւր : Չայն տեսեալ Խոճաքեանին կալաւ զնա 'ի հրապարակի գաւթի տաճարին՝ ձաղէր զնա այսպանօք և հարկանէր գաւաղանաւ զգլուխ նորին , և ելեալ 'ի Վերնատունն Հայոց գոռայր անտի իրրեւ ամպ մրրկալից՝ թէ Հայք չունին տեղի ինչ աստ , եւ այսպէս արար խայտառակութիւն մեծ , ժայթքելով 'ի բերանոյ իւրմէ՝ բանս նախատանաց և լուտանաց ընդգէմ պատուոյ ազգին , յորմէ զուարթանային